

CCCLXXXVIII.

44 § 1. Stirft en man in der iartale dat he sin gvt vt then schal he erft dat vppen sone vnd volget an enen anderen herren of sin herre stirft oder of het vp let oder vorkoft oder it ime vntsegit. nicht ne mach he aver ledegdes gvdes vorlien he ne heb-[53.] bet selve in sinen geweren.

CCCLXXXIX.

54 § 1. Swen de herre sinen scilt mit manschap nederet al siner manne len hevet he verloren dat sin egen nicht ne is. vnd de man scholen ir gvt von deme overen herren vntfan oder he schal se wisen an ires herren genot. dat selve dv de man of he sin gvt nederet vnd von enem anderen vntfeit danne het er hadde. 54 § 2. doch ne is des mannes herschilt nicht genederit dar mede of he sines genotes man wirt vnd san gvt von ime vntfeit dvrrch dotslach deste de manschap nicht geerft ne werde.

CCCC.

55 § 1. Wirt enem manne gvt gelegen vppe sine truwe dat het vplate swen it sin herre losen wille t^v beschedener tit dat g^vt mach de herre losen of he wel vnde mach it laten. stirft ok de man ane lenerven dat gvt wirt deme herren ledich vnd de herre ne is nicht plichtich t^v gevene ienes erven de losvnge des gvdes. deme dit gvt alsvs gelegen wirt wil he sine truwe breken vnd vorsaken dat het icht laten schole dar m^vt he wol sine vnschvlt vore d^vn. man ne m^vge is ine vertivgen dat het binnen lenrechte gelovet hebbe. 55 § 2. al scvldegvnge de an gewedde gat vnd binnen lenrechte geschet mach de herre dat getvgen vppen man mit twen sinen mannen de behalt de herre. dar aver de man sin len bi verliesen mach dat m^vt de herre getivgen selve sevede siner manne. 55 § 4. gvt dat dem manne gelegen wirt vppe sine truwe dar mach he lenrecht mede d^vn sinen mannen vnd erft it vppe sine sone vnd de ne dorven it nicht vplaten deme herren vmme losvnge se ne hebbent selve gelovet.

CCCCI.

55 § 5. Neman ne is nicht plichtich sines herren gelovede tv lestene noch dat kint sines vader vmme sin gvt t^v latene. 55 § 6. gvt mach de herre setten ane manschap. dat stat vppes herren truwe of hes dem manne stede late. wel het aver breken mit vnschvlt dat m^vt he wol d^vn de man ne m^vge ine des vertivgen dat het ime vor gerichte sette. 55 § 7. swat aver de herre manlike liet dat stat vppes mannes truwe weder het late oder do na sime lovede de herre ne moge ine vertivgen dat het binnen lenrechte lovede. dem alsvs gvt gelegen wirt he ne is it nicht plichtich vp t^v latene vmme losvnge des herren dem sone noch man- *Blatt q*
ne an deme dat geboret na sime dode he ne hebbet ime gelovet t^v latene.

CCCCII.

55 § 8. Swe seget gvt t^v sattvnge gelegen de seget vnrechte wante sattvnge ne mach neman lien. schal man gvt setten so dat it helpende si dat m^vt geschen vor des landes richteren so dat man de dincplichtich des t^v tvge hebbe. schal aver de lenvnge geschen de schal geschen vor des herren mannen an dem man des getivch hebbe. gelegen sattvnge dat ne is weder len noch sattvnge.

CCCCIII.

55 § 9. Swat de herre manlike liet dat is recht len oder ervelen oder borchlen oder gedinge an enes benomeden mannes gvde swat so deme herren